

TARVANNA, Morinorum ciuitas, Ptol. lib. 2. cap. 9. vulgò *Therouenne*. *Antimundus* huius Episcopus dicitur, apud Meyerum, constitutus à S. Remigio, qui & *Armundus* vocatur in Cod. Thuano. Attamen Teruannensem Episcopum non legi in libris certioris fidei, ante *Ætherium*, cuius mentio fit in Epistola Zachariæ Papæ.

BONONIA dictæ Notitiæ Gallia, vulgò *Boulogne*, Episcopalis fuit, si credimus Hincmaro, epistola 6. ad Episcopos Remensis diocesis cap. 18. Nusquam tamen apud priscos, Episcopi Bononiensis memoriam vidi, sed tantum à Caroli quinti temporibus, quo imperante, Taruannensis sedes translata est Bononiam, pro ea parte diocesis quæ est in Francia, nec non Audomaropolim pro ea quæ est in Artesia, & Ipram pro tertia seu vltima parte quæ est in Flandria.

PROVINCIA LVGDVNENSIS, SEV LVGDVNENSIS PRIMA.

LVGDVNVM Ptol. lib. 2. cap. 8. vulgò *Lyon*, Gallia Metropolis dicitur apud Eusebium lib. 5. hist. Eccl. cap. 1. *Photinus* huius Episcopus appellatur ibid. necnon *Irenæus* eius successor eodem lib. cap. 6.

MATISCO Cæsari de Bello Gallico lib. 7. sub fin. vulgò *Mascon*. *Placidius* huius Episcopus subscripsit Concilio Aurelianensi tertio.

CABILONVM, Cabullinum Ptol. lib. 2. cap. 8. vulgò *Chalons sur Saone*. *Donatianus* huius Episcopus interfuit Concilio Agrippinensi.

CIVITAS LINGONVM dictæ Notitiæ, vulgò *Langres*. *Desiderius* huius Episcopus interfuit Concilio Agrippinensi, & *Gregorius* Epaonensi.

AVGVSTODVNVM Ptol. lib. 2. cap. 8. vulgò *Autun*. *Rheticus* huius Episcopi meminit D. Hieronym. lib. de Script. Eccles. cap. 93.

PROVINCIA ROTHOMAGENSIS, SEV LVGDVNENSIS SECVNDA.

ROTHOMAGVM, Rotomagus Ptol. lib. 2. cap. 8. vulgò *Roüen*. *Aurélianus* huius Episcopus subscripsit Concilio Arelatensi primo.

EBROICA, seu ciuitas Ebroicorum dictæ Notitiæ Prouinciæ & ciuitatum Gallia, vulgò *Eureux*. *Sanctus Taurinus* huius primus Episcopus dicitur in Martyrologio 3. Idus Augusti, & *Mauritius* primo Concilio Aurelianensi subscripsit.

LEXOVIVM, seu ciuitas Lexouiorum eidem Notitiæ, vulgò *Lisieux*. Huius Episcopus *Theodobaudis* Concilio Aurelianensi tertio subscripsit.

BAIOCA Apoll. Sidon. lib. 4. epist. 18. vulgò *Bayeux*. *Leucadius* huius Episcopus subscripsit Concilijs Aurelianensibus tertio & quarto.

CONSTANTIA Notitiæ Imperij alias Brioueris, & Constantia Castra Ammiano Marcellino lib. 15. vulgò *Contance*. *Leontianus* huius Episcopus subscripsit Concilio Aurelianensi primo, & *Lauto* Aurelianensi secundo.

ABRINCA, ciuitas Abrincatum eidem Notitiæ Imperij Romani, vulgò *Auranches*. *Nepos* huius Episcopus subscripsit Concilio Aurelianensi primo, & *Perpetuus* Aurelianensi secundo.